

P R A V I L N I K
O VIDEO NADZORNOM SISTEMU
U JAVNOJ USTANOVI TERAPIJSKA ZAJEDNICA
KAMPUS
KANTONA SARAJEVO

I PREDMET PRAVILNIKA

Član 1.

Pravilnikom o video nadzornom sistemu (u daljnjem tekstu: Pravilnik) u JU Terapijska zajednica Kampus Kantona Sarajevo (u daljnjem tekstu: Kampus) bliže se određuje uspostava, pravni osnov, svrha, upotreba video nadzornog sistema u prostorijama Kampusu i u dvorištu Kampusu i opseg podataka.

II ODLUKA O VIDEONADZORNOM SISTEMU

Član 2.

Direktor JU Terapijska zajednica Kampus Kantona Sarajevo donosi odluku o uvođenju video nadzornog sistema u Kampusu.

Član 3.

Bliže odredbe o uspostavi, svrsi, upotrebi, zaštiti i obradi ličnih podataka i završnim odredbama vezanim za videonadzor definišu se ovim Pravilnikom.

III ZAKONSKI OKVIR

Član 4.

Zakon o zaštiti ličnih podataka Bosne i Hercegovine član 21.a Službeni glasnik BiH“ broj: 49/06, 76/11 i 89/11), predviđa uspostavu video nadzornog sistema.

IV SVRHA VIDEO NADZORNOG SISTEMA

Član 5.

Svrha uspostavljanja video nadzornog sistema u Kampusu jeste neophodna optimizacija sigurnosti korisnika usluga Kampusu, uposlenika i posjetilaca Kampusu, kao i sigurnost objekata i imovine Kampusu.

Član 6.

Dozvoljena je upotreba video nadzornog sistema u smislu vođenja evidencija u skladu sa članom 43. *Zakona o radu Federacije Bosne i Hercegovine*.

V OPSEG PODATAKA VIDEONADZORA

Član 7.

Videonadzorni sistem Kampusu obuhvata:

- a) Unutrašnje kamere i vanjske kamere.
- b) Uređaje za pohranu videozapisa, gdje se deponuju i arhiviraju videozapisi, u trajanju minimalno mjesec dana.
- c) Videozapisi, koji nisu predmet obrade ličnih podataka u skladu sa članom 16 ovog Pravilnika, brišu se nakon 6 mjeseci.

Član 8.

Unutrašnje kamere pokrivaju sve prostorije u objektima Kampusu, osim sanitarnih čvorova (kupaća i toaleti).

Poseban unutrašnji nadzorni sistem čine kamere u kancelarijama (uredima) stručnih saradnika, administrativnog osoblja i ostalih uposlenika, sa ciljem zaštite lica, imovine i dokumentacije trajne vrijednosti (matične knjige, registri), dokumentacije koja se smatra poslovnom tajnom, ličnih podataka o korisnicima usluga Kampusu kao i arhive podataka video nadzornog sistema.

Videonadzorni sistem is stava 2 ovoga člana koristi se i u svrhe predviđene članom 6 ovoga Pravilnika.

Na ulazu u svaki od objekata Kampusu pokrivenih videonadzorom iz stava 2 ovoga člana obavezno stoji istaknuto upozorenje „*Objekat i okolina Kampusu su pod videonadzorom info tel 033 635 082*“.

Član 9.

Vanjske kamere pokrivaju prostor dvorišta Kampusu, ulaze u dvorište Kampusu i prostor sportskog igrališta kao i platenike i voćnjak.

Član 10.

Na ulazu u Kampus i oko dvorišta Kampusu postavljaju se vidljivi znaci obavijesti: „*Objekat i okolina Kampusu su pod videonadzorom info tel 033 635 082*“

Znak na samom ulazu u Kampus sadrži i kontakt telefone preko kojih se mogu dobiti opće informacije o videonadzoru.

VI UPOTREBA PODATAKA

Član 11.

Uređaji za snimanje (hard disc-ovi), administrativni centar kontrole i centar za obradu podataka nalazi se u Kampusu – Kuća1,.

Direktor Kampusa, koji je kontrolor video nadzornog sistema, može ovlastiti i druge uposlenika Kampusa, da imaju pristup videonadzornom sistemu (u realnom vremenu ili pristup arhivi podataka) u svojstvu obrađivača podataka.

Član 12.

- a) Kontrolor video nadzornog sistema jeste direktor Kampusa kao odgovorno lice.
- b) Kontrolor je odgovorno lice koje ima pristup monitoringu u realnom vremenu i arhivi videonadzora, te može slobodno da pristupa podacima i obrađuje podatke videonadzora u skladu sa članom 21.a *Zakona o zaštiti ličnih podataka Bosne i Hercegovine*.
- c) Podacima u smislu stava b) ovoga člana ovlašteno lice, u skladu stava a) ovoga člana, ima u prostorijama Kampusa ili putem IP veze sa druge lokacije ili mobilnog uređaja.

Član 13.

Pristup administraciji videonadzora, monitoringu i obradi podataka imaju i ovlaštene policijske agencije i ministarstva unutrašnjih poslova u Bosni i Hercegovini uz predočenje validnog naloga.

Član 14.

Monitoring u realnom vremenu, u smislu nadzora ulazaka/izlazaka korisnika usluga Kampusa, uposlenika i trećih lica, imaju i referenti za video nadzor, u prostoriji Prijavnice na ulazu u Kampus.

Monitoring u realnom vremenu, kao i pristup arhiviranim podacima te obradi podataka, imaju lica koja će imenovati direktor Kampusa posebnom odlukom.

Obradu podataka, u smislu navedenom u stavu 2 ovoga člana, nemaju referenti za video nadzor ili drugi zaposlenici Kampusa.

VII ZAŠTITA LIČNIH PODATAKA

Član 15.

U skladu sa članom 21.a *Zakona o zaštiti ličnih podataka Bosne i Hercegovine* obezbjeđuje se zaštita i obrada ličnih podataka prikupljenih putem videonadzora:

- a) Snimci pohranjeni putem videonadzora na određenom prostoru na osnovu kojih se može identificirati nosilac podataka predstavljaju zbirku ličnih podataka.
- b) Kontrolor koji vrši videonadzor dužan je donijeti odluku koja će sadržavati pravila obrade s ciljem poštivanja prava na zaštitu privatnosti i ličnog života nosioca podataka, ako videonadzor nije propisan zakonom.
- c) Kontrolor koji vrši videonadzor dužan je na vidnom mjestu istaći obavještenje o vršenju videonadzora i kontakt putem kojeg se mogu dobiti pojedivosti o videonadzoru

Direktor, kao ni bilo koja druga osoba, ne smije koristiti podatke o osobama prikupljene videonadzornim sistemom zaštite izvan njihove zakonske namjene, a raspolaganje snimkama dopušteno je samo direktoru Kampusu.

Član 16.

Evidencija nad zbirkom ličnih podataka u smislu tehničke izvedbe video nadzornog sistema (arhivski videozapisi) definiše se članom 13. *Zakona o zaštiti ličnih podataka Bosne i Hercegovine*.

Evidencija nad zbirkom ličnih podataka nalazi se kod direktora Kampusu (kontrolora video nadzornog sistema) pod nazivom „JU Terapijska zajednica Kampus KS - Video nadzor obrada podataka“ u elektronskoj i štampanoj formi.

Evidencija iz stava 2 ovoga člana sadrži obrađene lične podatke koje kontrolor procjeni da bi mogli biti od značaja u skladu sa članom 6 ovoga Pravilnika.

Član 17.

Pravilnik podrazumijeva poštivanje člana 30. *Zakona o radu u Federaciji Bosne i Hercegovine*, koji se odnosi na postupanje sa ličnim podacima radnika.

VIII PRELAZNE I ZAVRŠNE ODREDBE

Član 18.

Za tumačenje odredbi ovog pravilnika nadležan je Kampus.

Član 19.

Ovaj Pravilnik stupa na snagu sa danom donošenja.

Broj: 35-01-05-1164/1/16
Dana: 12.12.2016.godine

